

СЕНАТ

ЕКІЖАҚТЫ БАЙЛАНЫСТАР БЕКИ ТҮСТІ

Индонезияда сапарда жүрген Қазақстан Парламенті Сенатының төрағасы Қасым-Жомарт Тоқаев бірқатар екіжақты кездесу өткізді. Елдің президенті Джоко Видодомен кездесуі спикер сапарының басты оқиғасы болды.

Мемлекет басшысы Н.Назарбаевтың тапсырмасы бойынша Сенат төрағасы Индонезия басшысына биылғы қазанда Қазақстанға ресми сапармен келуге шақыруын жеткізіп, Әлем және дәстүрлі діндер лидерлерінің VI съезіне қатысуға шақыруды табыс етті. Қ.Тоқаев Астанадағы дінаралық форум дін көшбасшыларымен қатар әлемдік деңгейдегі саясаткерлер де бір үстел басында бас қосатын ұнақатысу алаңы ретінде мойындалғанын атап өтті. Съезд жұмысына БҰҰ Бас хатшысы, көптеген мемлекеттің басшылары, халықаралық ұйымдардың жетекшілері қатысты.

Сенат басшысы жер жүзіндегі ірі мұсылман мемлекеті саналатын осы ел басшысының Астанадағы діни форумға қатысуы, ислам әлеміндегі Индонезияның маңызды рөлін ескере келгенде, «Діни қайраткерлер қауіпсіз әлем жолында» тақырыбына арналған бұл съездің табысты өтерін ықпал ететінін атап өтті.

Қ.Тоқаев екіжақты қатынастардың келешегі туралы айта келіп, Қазақстан Оңтүстік-шығыс Азиядағы жетекші елдердің бірі – Индонезиямен жан-жақты әрі өзара тиімді ынтымақтастықты дамытуға ерекше маңыз беретініне назар аударды. Кейінгі жылдарда екіжақты қатынастардың барлық бағыты бойынша, атап айтқанда, сауда-экономикалық, аймақаралық ынтымақтастық, мәдени-гуманитарлық және парламентаралық өзара іс-қимыл салаларында оң өзгерістер көрініс тауып отыр.

Қасым-Жомарт Кемелұлы іске қосылатын жана көлік-логистика бағдарларының келешегіне, бірінші кезекте



Қазақстанның «Нұрлы жол» бағдарламасы мен ҚХР-дың «Жібек жолының экономикалық белдеуі» бастамасын ұштастыру жоспарына байланысты жаңа мүмкіндіктерге тоқталды. Атап айтқанда, «Қазақстан – Ляньюньган порты (ҚХР) – Азия-Тынық мұхиты аймағындағы теңіз порттары» көлік дәлізінің мүмкіндіктері сауда-экономикалық ынтымақтастығын тереңдетуге ықпал ететін болады.

Исламдық қаржыландыру саласындағы Индонезияның мол тәжірибесін ескере отырып, Қазақстан тарапы «Астана» халықаралық қаржы орталығы аясында индонезиялық қаржы институттарын жұмысқа тартуға ықылас білдірді. Мемлекет басшысы «Астана» қаржы орталығы қызметінің басым бағыттарының бірі ретінде ислам қаржыландыруын атаған болатын.

Джоко Видодо өз кезегінде Қазақстанға шақыруына орай Президент Н.Назарбаевқа алғыс айтты және саяси, экономикалық, мәдени екіжақты байланыстарды арттыру мақсатында барлық шараларды қабылдау жөніндегі ниетін жеткізді.

Қазақстан Сенатының төрағасы мен Индонезия Халық кеңесшілері конгресінің төрағасы Зулкифли Хасанмен әңгімесінің тақырыбы парламентаралық байланыстарды нығайтудың келешегіне қатысты болды. Қ.Тоқаев Қазақстанның саяси жүйесінің ерекшеліктері туралы хабардар етіп, Парламент жоғарғы палатасының конституциялық өкілеттіктері жайында әңгімелеп берді. Индонезия тарапы Қазақстан Президентінің бес әлеуметтік бастамасын іске асырудағы жоспары мен саяси және Рухани жаңғыру бағдарламасына ерекше ықылас білдірді.

Сенат спикері Индонезия Халық өкілдері кеңесінің төрағасы Бамбанг Сусатиомен кездесуінде заң шығару органдарының өзара диалогының мәселелері әңгіме өзегіне айналды. Жүздесу барысында Қазақстан мен Индонезияның өзара ынтымақтастығын нығайтудағы парламентаралық құрамның маңызды рөлі атап өтілді. Қ.Тоқаев екі елдің заң шығару органдарында қызмет ететін депутаттық достық топтарының жұмысын өрістетуге шақырды.

МӘЖІЛІС

КОРЕЯ ПАРЛАМЕНТИМЕН КЕЛІСІМ ЖАСАЛДЫ

Мәжілісте палата төрағасы Нұрлан Нығматулин мен Корея Ұлттық ассамблеясының төрағасы Чунг Се Гюн екі елдің парламентшілері арасындағы ынтымақтастық туралы келісімге қол қойды. Бұл рәсім Оңтүстік Кореяның заң шығарушы билігі басшысының елімізге ресми сапары аясында өтті.

Кездесу барысында Нұрлан Нығматулин мен Чунг Се Гюн екіжақты сауда-экономикалық, халықаралық, мәдени-гуманитарлық, сонымен бірге, парламентаралық ынтымақтастықтың өзекті мәселелерін талқылады.

Мәжіліс басшысы Корея Республикасының Шығыс Азиядағы Қазақстанның басты стратегиялық әріптестерінің бірі екенін атап өте келе, оңтүстіккореялық әріптестерімен бірлескен жұмысты жандандыруға қазақстандық қалаулылардың мүдделі екеніне назар аударды.

Қазақстан Президентінің мемлекетімізді дамыған елдер қатарына қосу жолындағы стратегиялық маңызды бастамаларын, соның ішінде биылғы Жолдаудағы он негізгі міндетті жүзеге асыру жайын сөз еткен Мәжіліс төрағасы Кореяның цифрлы технологияларды қолдану және инновациялық даму саласындағы әлемдік көшбасшылардың бірі болып табылатынына тоқталды. Сондықтан оның айтуынша, корейлік депутаттық корпусының экономиканы цифрландыруды, көлік және логистика, денсаулық және білім салаларында инновациялық технологияларды ендіруді заңнамалық тұрғыдан қамтамасыз ету тәжірибесі зор практикалық қызығушылық тудырды.

Н.Нығматулин Еуразия елдері парламенттері спикерлері кеңесінің маңыздылығын атап өтті. Ол кеңестердің бірі өткен жылдың маусым айында Сеулде ұйымдастырылған. Спикер бүгінде бұл форумның парламентаралық үшін өңірлік және жаһандық күн тәртібіндегі көкейкесті мәселелер бойынша пікір алмасуға, заң шығарушылық қызмет тәжірибелерімен бөлісуге арналған қосымша диалог алаңына айналғанын айтты. Ол 2019



жылы аталған басқосудың төртінші жиналысын ұйымдастыру қажеттілігіне көңіл бөлді.

Мәжіліс басшысы Қазақстанның және Президент Нұрсұлтан Назарбаевтың экстремизм мен терроризмнен ада әлемге қол жеткізу, сондай-ақ жаппай қырып-жою қаруларын таратпау мәселесін шешудегі бірізді жұмысына епкіл түсірді. Нұрлан Нығматулин біздің еліміздің Оңтүстік және Солтүстік Кореялар арасындағы қарым-қатынастарда жылылықтың пайда болуын қуана қоштайтынын және Корей түбегіндегі ахуалдың сұхбаттастық пен келіссөздер жолымен шешілуін жақтайтынын атап өтті.

Өз кезегінде Чунг Се Гюн Елбасы Н.Назарбаевтың халықаралық бастамаларына, соның ішінде ядролық қарусыздану, сондай-ақ Корей түбегіндегі ахуалды реттеу мәселелеріндегі іс-қимылдарына жоғары баға берді. Корея Ұлттық ассамблеясының төрағасы Қазақстанның ең дамыған 30 ел қатарына кіру мақсатын жақсы білетінін және Қазақстан Президентінің теңдесіз көшбасшылығын, еліміздің жоғары даму қарқынын, бай ресурстарын ескере келе, Қазақстанның ол мақсатқа

жетеріне ерекше сенім білдірді. Осы үлкен жолда Корея Қазақстанның ең жақын әріптестерінің бірі болып қалатынын атап өтті.

Тараптар бұл ресми сапар және оның аясындағы келіссөздер екі елдің стратегиялық әріптестік қатынастарын, соның ішінде парламенттер арасындағы ынтымақтастықты ары қарай нығайтуға септесеріне сенім білдірді.

Қазақстан Парламентінің Мәжілісі мен Корея Ұлттық ассамблеясы арасында ынтымақтастық туралы келісімге қол қойылуы бұл кездесудің басты бір қорытындысына айналды. Алғаш рет жасалып отырған бұл келісім елдеріміздің стратегиялық ықпалдастығын зандық тұрғыдан қолдауға мүмкіндік беруімен қатар, парламенттер арасындағы заңнамалық тәжірибені одан ары ынталандыруға, халықаралық мәселелер төңірегінде ортақ ұстанымды күшейтуге зор ықпал ететін болады.

Осы орайда Нұрлан Нығматулин және Чунг Се Гюн парламенттердің бейінді комитеттері мен ынтымақтастық жөніндегі депутаттық топтар арқылы жиі араласып, парламентаралық әріптестігін жана деңгейге көтерудің маңыздылығына назар аударды.